



EMBASSY OF THE UNITED STATES

SKOPJE • MACEDONIA



Fjalim i ambasadorit Paul D. Wohlers

Pritje me rastin e kremitimit të Ditës së pavarësisë së SHBA-ve

3 korrik 2013

Z. president, zonja e parë e Maqedonisë znj. Ivanova, kryetar i parlamentit, znj. Veljanoska, ambasadorë, ministra, deputetë, përfaqësues të komuniteteve fetare, kryetarë të komunave, të dashur miq e kolegë: mirëmbërëma!

Ju faleminderit që jeni sot këtu me ne për të kremituar 237-të vjetorin e pavarësisë së Amerikës. Më lejoni të shpreh mirënjojje të veçantë për kompanitë nga Maqedonia që me mbështetjen e tyre ndihmuan që ky eveniment të jetë i suksesshëm; AAG Analyses and Advisory Group, Alkaloid, AmCham, Avon, Cisco, Coca Cola, COMA Mall, Deloitte, Diners Club, Domino's Pizza, Western Union, Genzyme Corporation, Grant Thornton, IBM, Johnson Controls, Kemet Electronics, MakedonijaTurist, Makpetrol, Makstil, McCann Erickson, Microsoft, Mi-Da Grand Motors, NetrA, Oracle, Pepsi, Publicis Groupe, Seavus, Sinpeks, Skenderovski Marine, Teknoxgroup, Two Guys, dhe WabtexMZT. Ju faleminderit të gjithëve; ndihma juaj është shumë e çmueshme.

Nesër bëhen 237 vjet prej kur 56 burra u mblodhën në Philadelphia, Pennsylvania për të nënshkruar Deklaratën e pavarsisë. Zhvillimi që nga firmosja e këtij dokumenti të njohur e deri te vendi që Amerika është sot në vitin 2013 duket i qartë, madje duket i pashmangshëm. Por 237 vite më parë, nuk dukej aspak i pashmangshëm, apo ndoshta edhe jo shumë i mundur. Nevojitej guxim i jashtëzakonshëm moral dhe fizik që ata 56 njerëz të vendosin emrat e tyre në dokument ku nënvízoheshin shkaqet e pakënaqësisë së tyre nga sunduesit e kohës: mes tjerash, çështjet në lidhje me tregëtinë, ankesa për tatimet, probleme me gjyqësorin dhe legjislativin. Në ndjekje të pavarësisë, ashtu siç thuhet edhe në rreshtin e fundit të Deklaratës së pavarësisë, ata zotuan jetët e tyre, pasuritë e tyre dhe nderin e tyre të shenjtë.

237 vite më vonë shumë gjëra kanë ndryshuar në Shtetet e Bashkuara dhe në tërë botën. Shumë nga ato ndryshime kanë qenë për të mirë, por akoma ekzistojnë shumë sfida. Qytetarët e këtij vendi, Republikës së Maqedonisë, e kuptojnë mirë këtë gjë derisa merren me pengesat me të cilat ballafaqohen në vitin 2013.

Gjatë këtyre dy viteve si ambasador i Shteteve të Bashkuara, kam udhëtuar nëpër tërë Maqedoninë dhe kam parë pasuritë e saj. Nga majet mahnitëse të Korabit të Madh dhe Popova Shapka, deri te bukuria e qetësisë së Ligenit të Dojranit, nga Ligeni i Ohrit deri në Prespë, e deri në kodrinat dhe vreshtat e Kavadarit dhe fushat rrëth Sveti Nikolës, nga Mavrova në Berovë, ky vend është me të vërtetë shumë i pasur më bukuri dhe pasuri natyrore. Një pasuri tjetër janë njerëzit e këtij vendi; pa marr parasysh a bëhet fjalë për bujqit e vyeshëm të Pollogut dhe Pellagonisë, inxhinierët brillantë të softuerit nga Shkupi, apo studentët e zgjuar e plot entuziazëm në shkolla si Universiteti i Evropës Jug-

Lindore apo UKIM, gjithnjë më kanë lënë përshtypje të thellë energjia, fuqia dhe kreativiteti i qytetarëve të Maqedonisë.

Këta qytetarë i kanë mirë të njoitura sfidat me të cilat ballafaqohet dhe është ballafaquar vendi i tyre gjatë 20 viteve të kaluara. Shumica janë të frustruar me rrugëtimin e ngadalshëm drejt integrimit të plotë euro-atlantik. Qytetarët e Maqedonisë dëshirojnë atë që dëshirojmë të gjithë ne: një komunitet më të fuqishëm, më të sigurtë dhe më përparimtar ku do të jetojnë e do të rrisin fëmijët e tyre. Dëshiroj ata të dijnë që, derisa punojnë drejt arritjes së këtyre qëllimeve, nuk kanë dhe që nga pavarësimi i shtetit nuk kanë pasur mik më të madh se Shtetet e Bashkuara të Amerikës.

Suç kam thënë edhe më herët, miqësia jonë nuk është e bazuar në interes. Ju keni qenë partneri ynë në vende të rrezikshme si Iraku dhe Afganistani në kërkim të qëllimeve të përbashkëta. Ne kemi qenë me ju kur nuk ka qenë e lehtë. Shtetet e Bashkuara kanë qëndruar pranë qytetarëve të Maqedonisë ngase ndajmë qëllimet dhe ëndërrat e njëjta, ashtu siç kemi bërë në vitin 1991, kur kemi mbështetur pavarësinë tuaj; në vitet 1993 dhe 1994, kur kemi punuar në mbrojtjen e kufinjve tuaj; në vitin 1998 kur kemi ndihmuar në negocimin e përfundimit të embargos ekonomike; në vitin 2001 kur kemi ndihmuar në përfundimin e një konflikti që po linte gra të veja e fëmijë pa baballarë; në vitin 2004 kur ju njoëm emrin kushtetues; dhe në vitin 2008 kur aspak nuk ishte e lehtë, presidenti i Shteteve të Bashkuara luftoi në emrin tuaj deri në çastin e fundit në Samitin e NATO-s në Bukuresht, dhe akoma vazhdojmë të qëndrojmë pranë jush edhe sot. Po, ka pasur pengesa dhe zhgënjime, por suksesi do të vijë dhe ne do të jemi me ju. Nuk dëshirojnë agjë më tepër sesa të shohim Maqedoninë të përparojë si anëtare e komunitetit auro-atlantik ku mbizotëron paqeja, toleranca, përparimi dhe siguria. Ashtu siç ndodhi 237 vite më parë në shtetin tim, guximi dhe lidershipi do të tejkalojnë sfidat. Kam njojur shumë njerëz në këtë vend dhe e di që ato kualitete ekzistojnë këtu, në shumë vende dhe në shumë njerëz dhe e di që ju do t'ia arrini.

Andaj, ju lutem, të ngrejmë të gjithë së bashku një dolli për miqësinë e palëkundur mes Shteteve të Bashkuara dhe Republikës së Maqedonisë dhe për suksesin e partneritetit tonë, tani dhe në të ardhmen. Zoti e bekoftë Republikën e Maqedonisë, dhe Zoti bekoftë Shtetet e Bashkuara të Amerikës dhe miqësinë tonë.